

Du Temple de Carmenta .

A Vx piedz du Capitole, ou est a present l'Eglise de s. Catherine, estoit le Temple de Carmenta mere d'Euander, qui fut basty a son honneur par les Dames Romaines, d'aultat qu'elle fut cause que l'usage des chars leur y fust permis leur ayat esté au parauant fort long temps defendu .

De la colonne de guerre .

A V dessus du Capitole proche a piazza Montanara estoit le temple de Bellone, deuant la porte duquel il y auoit vne colonne appelée par les Anciens Bellica d'aultant d'icelle on eslançoit vne fesche vers la region de ceux, ausquelz on vouloit faire la guerre, pour ce que l'Empire Romain estant creu en telle grandeur: c'eust esté trop de peine, & trauail d'aller sur les confins, de ceux, a qui l'on annonçoit la guerre .

De la colonne Lattaria .

A La place Môtanara dicté iadis Forum Olitorium il y auoit vne colonne appelée Lattaria, a laquelle on portoit secretement les petitz enfantz nêz de couches adulteres, & illicites, lesquelz estant trouëz estoient mis es lieux rentêz du public a cest effect, pour y estre nourriz, & esleuëz.

De l'Equimelium .

A Vprès de l'Eglise de s. George il y auoit vn lieu dict Equimelium du nom de M. Melius, qui pour s'estre voulu empatronizer de Rome, fut tuë, & ses biens cōsiquëz au public, & par la sentëce des Censeurs sa maison desmolie, & aplanië . Et en memoire d'vn tel meschef reduicte en place, que du nom de Melius (comme dict est) fut appelée Equimelium .

Du champ de Mars .

L E champ de Mars estoit a Tarquin le Superbe, & après qu'il fut chassë de Rome il fut dedië a Mars, du nom duquel on l'appella campus Martius. Là faisoit on la monstre de l'armee, & aultres choses appartenantes a la milice .

Du Tigillum Sororium .

A Vprès du tēple de la paix, a present appellè s. Maria Nuova, il y auoit vn lieu faiët de deux murs l'vn contre l'aultre, sur lesquelz on auoit dosë, & colloquë vn gros cheurô de bois. Soubz lediët lieu passa vn des trois Horaces, pour purger le pechèz qu'il auoit commis en tuant sa sœur .